





H. XIII. 10.




Listen  
Now Tacin.


937.1/III

31 111











Henrici Nicolai

1. de Multiplicitate Rei facta.
2. Tr. de Contradictionis Natura et Principio.
3. Tr. de Oppositione Enunciatorum.
4. Philosophia Liberalis Tabellis representata.
5. Disputatio Maystedica.
6. Tr. de Notitiis naturalibus.
7. Tr. de Cognitione humana universa, duabus Dissertationibus comprehensa.



EXERCITATIO VI. 121  
DE RELIQUIS CIRCA EXEM-  
PLVM CHRISTI POSITIONIBVS,  
ET PRÆSENTIA EIUS IN HIS  
TERRIS.

Respondente

DANIELE ROSENOVIO,  
Sternbergâ Megapolitano.

THESIS XC.

**A**N ubiq; sit etiam extra mundum, in spatijs in-  
finitis imaginarijs, quod ad veram Ubiquitatem requiri  
f. 2. §. 7. de eff. alic. seq. ostensum, quia Scriptura non  
revelat, nec ita loquitur, non liquet. Nusquam Scriptura pro-  
misit, Christum hominem ita ubiq; futurum. Et extra promissa,  
quibus tota hæc res, & nostra fides nititur, sapere velle, nimis  
audax est. Deo suarum proprietatum & libera administra-  
tio, & iusta defensio, relinquenda. Nobis ex Verbo ipsius sa-  
piendum est. Cumq; talis præsensia ad spatia etiam infinita,  
nec Mediatoris præsensia sit, nec fini Mediatorio inserviat, cuius  
sueri, fovere, regere, servare, salvare, præesse, est, quod in spa-  
tiji imaginarijs extra mundum, ubi nihil nisi vacuum, vanè qua-  
ras, extra Scripturam definire, aut de eo litigare velle, teme-  
ritatis notam non præteribit. Satis nobis in eo sit, quod reve-  
latum de Christo ex Scripturâ habemus, & in quo acquiescere  
Christianum decet. Quâ de re solidissimus Theologus, D. Chem-  
nitius l. d. duabus nat. c. 30. utiliter legi potest. Pulcrè Am-  
brosius contra Symmachum: Coeli mysteria me doceat  
Deus ipse, qui condidit, non homo, qui seipsum ignora-

Q

vit.



vit. Cui magis de DEO, quàm DEo, credam. *Omnia implere nondum est ubiq; esse. Sed hoc longè plura requirit, ut nusquam adessendi finem habere, aut habere posse, etiam adsit, quod de carne Christi asserti nequit.* V. §. 77. *Et cruda illa de præsentia Christi hominis loquendi genera facessant, Christum hominem in omnibus claustris, cantharis, pomis, pyris, &c. esse. Qualiter nec Scriptura unquam loquitur, nec Christianum Scripturâ destitutum loqui, fas est.*

*Imò quibusdam Nostratium apertè reprobantur.* Chemnitio c. l. p. 230. Selneccero in recitat. Heshusio in Colloq. Quedlinburg, D. Chytræo in epist. Rungio c. i. ref. Cateh. Ubiqu. p. 13. seq. Form. Concord. ejusdemque Apologia art. 8. D. Huttero in Form. Conc. a. 8. p. 939. Osiandro in Form. Conc. p. 439. 495. Gesnero in eandem a. 8. Jac. Andrææ lib. con. mendacia Calvin. p. 208. Ailbero cont. Borichium n. 175. 176. seq. Kessero resp. bell. Ubiquet. c. Forerum l. i. f. 2. c. 1. D. Mentzero p. 17. Anti-Mart. *Vbi*, Non est, ait, quòd vociferentur de præsentia in arboribus, lapidibus, & cantharis. Hæ enim voces & cogitationes sunt à pijs Christianis alienæ, qui didicere Christum quærere in verbo, non in suis speculationibus. *Similia alii habent.* Fermè enim ista loquendi genera inclusionem localem important, ut benè D. Rungius c. l. *Et quia* præsentia Christi personalis est, non naturalis, localis, essentialis: nec phrasæ tales de eâ admittit analogia fidei, quæ localem inclusionem subinferunt, ut verè D. Hutterus c. l. Conf. & Colloqu. Hertzbergen p. 48. 49. *Et in universali præsentia Scriptura potius creaturas in DEo, quàm DEum in creaturis esse dicit, Act. 17. v. 28. Conf. f. 2. §. 18. 34. d. Eff. alic.*

91. *Hic iterum varij è Nostris Theologi consentiunt, Et in rebus fidei in istis, quæ revelata habemus, sistendum, non ultra cogi-*



*cogitatis fræna laxanda esse, iurissimum simplicitati Christiana  
judicant.* D. Mentzerus in Anti-Mart. p. 18. Vt tuum con-  
siliū; ait, Martini, sequar, præcido hic disputationem de  
Ubiquitate, qualem qualem definias, & adduco te ad præsen-  
tiam in Ecclesiâ & Sacramentis. Dixi enim, ad hunc finem  
totam hanc disputationem tendere, ut vera præsentia Chri-  
sti DEI & hominis in Sacramentis & Ecclesiâ juxta verbum  
DEI asseratur. *Hic ergo jam consistamus.* Idem p. 14. In hac to-  
tâ disputatione illi progrediuntur rectissimè, qui ex Solo  
DEI verbo cum Ecclesiâ Orthodoxâ sentire, & loqui stu-  
dent. Pag. 227. Profiteor, si præsentia Christi DEI & homi-  
nis non solâ deitate, sed & personaliter unitâ, & ad dextram  
Patris omnipotenter regnante humanitate in Ecclesiâ, Sa-  
cramentis, & medio inimicorum, secundum Sacrarum litte-  
rarum tenorem sincerè credatur & doceatur, nolle me cui-  
piam molestum esse ulteriore disputatione, sed acquieturum  
his Solis phrasibus, quæ de hoc mysterio in Sacris litteris sunt  
expressæ, & reliqua omnia in Academiam cælestem dilaturum.  
Contra Sadeelem de comm. Idiom. p. 26. c. 1. Nisi Cinglius  
& affectu veram & Substantialem Corporis Christi in S.  
Coenâ cum pane præsentiam & manducationem negassent,  
*minimè tantâ acerbitate de hoc doctrina capite, Ubiquitate,  
disceptatum fuisset.* Ac ne nunc quidem de eâ quisquam litem  
adversarijs moveret, si præsentiam Christi hominis, seu se-  
cundum humanam Naturam, in Ecclesiâ & Sacramentis verè  
& sincerè crederent & docerent.

D. Chemnitius d. duab. Natur. c. 30. Quando, & de qui-  
bus expressum in Scripturâ habemus verbum, institutionem,  
ordinationem, promissionem, de præsentia totius Christi  
etiam secundum humanam Naturam, illud simpliciter re-  
tineamus. *Nec per quasvūq; argumentationes inde nos abdu-*



*ci patiamur, quasi fieri hoc non possit salvâ veritate ejus. Sed statuamus, filium DEI ea præstare posse, de quibus in Scripturâ promissum & ordinationem tradidit. Nec ab absolutâ filij DEI potestate argumentemur: sed semper in hac disputatione jungamus, velle, posse, fieri seu esse. Reliquas quæstiones, de quibus non habemus tam expressum verbum vel promissionem, in medio relinquamus, ac ad futuram Cœlestem Scholam differamus, ubi gloriam Christi fratris nostri facie ad faciem videbimus. In eodem capite multa ad hanc rem pertinentia habet. Postea: De quibus expressâ habemus Scripturæ testimonia, ea de humanâ Christi Naturâ credimus, predicamus, & asseveramus. Reliqua ad æternam Cœlestem Scholam reijcimus. Saxonici in decisione 4. quæstionum, p. 51. Licet porro urgeatur, quòd cum Christi caro unica fuerit & manserit τὸ ῥῶμα in ipsâ etiam profundissimâ humiliatione, filius etiam Dei idiomata sua realiter carni communicârit, idcirco sequi, quòd Christus secundum carnem plenariam usurpationem divinorum istorum idiomatum non retrahere vel suspendere potuerit: Haud tamen licet in ejusmodi divinis mysterijs tales consequentias necitare, vel plus inferre, quàm in verbo Dei præscriptum est. Imò præstat Deo gloriam dare, & firmissimâ fide credere, quòd & incarnationem filij potuerit perficere, & propter statum exinanitionis in carne à plenario usu divinarum proprietatum abstinuerit. Apud Deum non est impossibile ullum verbum. In solius Dei arbitrio positum est, quando & quomodo omnipotentia, bonitate, & justitiâ suâ operari velit. &c. Ita Lutherus præsentiam Christi in Cœnâ ex verbis institutionis probandam dixit, Ubiquitatem rescandam esse. To. 8. Jen. s. 374. Quod fatetur Chemnitius p. 2. exam. Conc. Frid. d. Cœna, c. 1. can. 1. p. 65. Et Helmsta-*

Quon-



Quamquam alij è Noſtris Philippo Melanchthoni dictum id tri-  
buere malint. De quo Hutterum in form. Concord. p. 825.  
826. & c. l. Concord. Conc. Keſſerum co. bell. Ubiq. Foreri  
l. 1. f. 1. c. 5. 6. vide. Ex adverſo alij omninò Lutheri eſſe  
volunt, de quo novissi-  
mè diſceptantem Forerum in abſters. fu-  
lig. c. Keſſerum l. 1. f. 1. c. 5. 6. vide. Cujuscunq; ſit, verù-  
ſimum eſt: nec ab apertis Chriſti promiſſionibus & inſtitutioni-  
bus ad diſputationem de Omnipreſentiâ confugere neceſſum habe-  
mus. Quòd poſſit adeſſe, ex unione, communione, exaltatione,  
probamus: Quòd velit, ex ſolis promiſſionibus & inſtitutio-  
nibus. V. §. 84. Similia ex Chemnitij, epistolis, Confessione  
Saxonica, Kirchnero, Selneccero, Brunswicensibus & Ro-  
ſtochiensibus, ap. D. Hutterum Conc. conc. c. 47. vide. Ea-  
dem ap. D. Rungium c. l. & Apol. Form. Conc. c. 9. In Col-  
loquio Hertzbergenſi p. 45. 46. ſequi: & p. 93. Affelmann.  
in Cenſur. c. Lampad. p. 73. reperies. Ita illi. In quibus & ego  
ſiſtendum hic, omninò exiſtimo.

92. Pauca, quæ ad hanc rem moveri poſſunt, expediem-  
da reſtant, priuſquam materiam hanc concludamus. Dices 1.  
Humanitas Chriſti in infinitam hypotaſin eſt aſſumpta, in  
quâ indifan-  
ter & totali perichoreſi ſubſiſtit, §. 82. E. & o-  
mnibus ſimpliciter ſpatiis & locis adeſſe oportet. Subſiſten-  
tia enim divina omnibus ſimpliciter adeſt. Preſentia autem ra-  
tio ſequitur in rebus ſubſiſtendi rationem. Vt §. 80. con-  
ceſſum. Et  
ſecus ſolvitur Chriſtus, ſi non & humanitas cum divinitate ubiq;  
adeſt. R. I. Cum Chemnitio hic dicam ex c. l. Quod ex eo re-  
peris D. Mentzerus diſ. de 4. quæſt. t. 45. ſcio, ex hoc funda-  
mento hypotaſticæ unionis Dialecticis argumentationibus  
& conſequentiis multa ac varia colligi & extrui poſſe. Sed  
quod ſcriptum eſt, Lucerna pedibus meis verbum tuum, illud  
præcipuè in arcano hoc myſterio obſervandum eſt. Et ſim-  
plicito-



pliciores Ecclesiæ filij modestam hanc simplicitatem omnium tutissimam judicant, ut de hoc mysterio ex nostris consequentiis & argumentationibus sine expressis Scripturæ testimonijs nihil statuamus, sed potentiam DEI cum voluntate ejus in verbo patefactâ conjungamus, & totam hanc doctrinam non ad curiosas disputationum subtilitates, sed ad veram consolationem referamus. Vide &, quæ contra tales consequentias extra verbum formatas graviter solideq; scribat Lutherus T. 3. Jenes. p. 529. *Contra Concomitantia delirium disputans, & quomodo non admittendas doceat.* Hinc infero: Etiam si hoc qualitercunque nostrâ consequentiâ ex subsistentia infinitâ sequeretur, non tamen colligendum, quia verbo revelante desistimur, Christum secundum humanitatem in infinitis spatijs adfuturum. Præsentia hæc Mediatoria, Oeconomica, & peculiaris pacti est, Non Naturæ, adeoq; nec consequentijs ex Naturâ rei petitis, pro rationis arbitrio extra Scripturam determinanda. §. 89. 90. 91.

93. 2. Negatur Consequentia. Subsistentia infinita data est humanitati, non ut causa Naturalis omnium consequentiarum ex eâ, & sic præsentia infinita simpliciter ubiq; etiam extra mundum: Sic enim & infinitam, eternam, increatam, independentem, facies humanitatem Christi, Talis n. Subsistentia Verbi est, quæ ἀσύντακτα: Non n. à Naturâ subsistentia ad eadem de eo, quod in eâ simul subsistit, affirmanda procedendum, V. t. 80. Sed ut magis moralis, voluntaria, ac dispensativa, quæ Mediatorij finis gratiâ certo tempore effectus in eâ gloriosos conciliet, & exaltatione etiam subsequente eam adesse, ubicunq; adfuturam promissum est, faciat. Non enim à puncto conceptionis ubivis Christi humani fuit, omnia scivit, vidit, gubernavit. Vid. c. 1. Sed se exinanivit, & in multis se usu abdicavit. V. §. 98. 100. Rati & mori Christum oportuit, & sic demum in gloriam ingredi.

Luc.



Luc. 24. v. 26. Conf. Psal. 110. v. 7. Hebr. 2. v. 9. Imò ne in subsistentiâ naturali, & illis, qua naturalem unionem & subordinationem habent, à modo præsentiæ unius, ad alterius uniti præsentiæ, statim procedere licet. Sic Corpus humanum est essentialis pars compositi cum animâ, qua Spiritualis, inextensa, & indivisibilis, adeoq; Spiritualiter, inextensè, indivisibiliter, tota in toto, & qualibet totius parte est, ubicunq; est, t. 34. Nec tamen quaquam colligere audeat, E. & Corpus, altera & naturalis compositi pars, Spiritualiter, inextensè, totum in toto & parte adest. Nec de composito, homine, id procedit. Nec ergo præsentiæ subsistentis in Christo, statim de parte denominanda. Variè n. denominationes hæ se habent, ut partibus interdum non competant, t. 85. 3. Quod in infinitam hypostasim trahitur essentiali uniendi modo, ut vel in ipsam hypostasim immutetur, vel pars essentialis, aut modus & attributum essentialis ejus fiat, id infinitus spatijs simul cum eâ adesse poterit, omniaq; que essentialiter subsistentiam infinitam consequuntur, participare: Non autem, si modo uniendi non essentiali eò trahatur. Tali modo in infinitam hypostasim tracta est caro Christi, personali nempe, ut pars personalis persona composita esset, non essentialis. Vnde non statim omnia consequentia de eâ enuntiare oportet.

94. 4. Indistans unio & totalis immeatio humanitatis ad λόγον præsentiæ, ut quidam vocant, cum rectius unio diceretur, V. s. 2. §. 24. de ess. alicui. intimam hominis ad verbum, & verbi ad hominem, non præcisè extimam, hominis cum verbo ad extantes creaturas, importat, qua toto genere & Cælo à priori distat, ut si omnes Creaturæ annihilarentur, nulliq; ad extra præsens esset aut humanitas Christi, aut verbum, omnibus nempe Creaturæ annihilatæ, unio tamen personalis carnis ad verbum, & verbi ad carnem Christi, indistans & indissolubilis maneret, sicut & extra respectum ullius creaturæ, vel extantis vel



non extantis, facta est, in ipsam hypostasim verbi attrahendo eam, ut extra illam nuppiam quari aut inveniri debeat. Non autem ab internâ illâ receptione in verbum, ad præsentiam ad creaturas omnes, vel etiam spatia infinita extra mundum, est argumentandum. Magnum enim inter utramq. discrimen. Illa indistans est, & verbum sic in carne, ut extra eam non sit: Hæc ad creaturas distans, sic enim & DEUS, & humanitas Christi, creatis adfunt, ut simul sint extra illa. Intra omnia enim DEUS, sed non inclusus. s. 2. d. E. A. t. 18. Illa inseparabilis est, hæc separabilis, quia & extra creaturas DEUS est, & abolitis omnibus creatis adesse cessabit. V. s. 2. c. 1. §. 20. Illa perichoretica & circumincessiva totali permeatione est, ut verbum totam carnem permeet, & caro à toto verbo permeetur: hæc ad creaturas minimè. Illa intima est, & respectu ad creaturas caret: Hæc extrema, & per respectum ad creata definienda.

Illâ realissimam unionem DEI cum homine, & hominis cum DEO importat: Hæc minimè. Non enim DEUS ex præsentia ad creaturas illis statim unitus ducitur, nec ex DEO & creaturis unum quid fit, quod ex unionem resultare solet. V. tr. d. eff. alic. 1. 2. §. 18. Illa immutabilis: hæc cessantibus creaturis, desinere potest. Illa evacuari in humanitate non potuit, quin & in mediâ morte Caro verbo personaliter unita mansit, nisi anima à carne naturaliter separata fuerit: Hæc in statu exinanitionis potuit, ut nec omnib. humanitas adesset, nec omnia creata incessanter regeret. Evacuavit n. Christus semetipsum secundum carnem. Phil. 2. v. 7. V. §. 80. Illa reali communione naturarum & proprietatum constat: Hæc sine eâ est. Illa carnis ad infinitum verbum est: Hæc carnis adentia creata & finita. Finitum autem & infinitum proportionem æquipollentia & adæquationis non admittunt. Illa carnem Christi in consortium S. Trinitatis infert, quâ secunda Trinitatis persona jam ex DEO & homine est composita:



*composita: Hæc ad creaturas extra illud eam relinquit. Ex his patet, ab intimâ illâ carnis ad λόγον præsentia, & rectius unione, V. f. 2. d. eff. alic. t. 41. non statim inferendum ad præsentiam ejus cum subsistentiâ externam esse, vel ad creaturas omnes simpliciter, vel ad omnia spatia simpliciter, etiam infinita extra mundum. V. §. 80. Sed hic opus esse moralibus promissis, institutis, jussis, determinationib. & modificationib. quæ omnia ex Scripturâ ostendenda erunt, priusquam ad assertiones eorū temerariè procedatur. Nec solutio Christi hinc sequitur, quæ tū demum est, cum humanitas ipsi Verbo unita esse negatur. Quod per hoc non fit, etiamsi ubiq. esse, aut in exinanitione omnib. creaturis præsentem regendo adfuisse negetur. Nec satis cau- te solutio Christi statim hinc inferitur, Vt ex differentijs assignatis patere potest. Res varias difficultates in explicandâ fide concer- nit, non ipsius fidei præcisè substantiam. V. f. 2. d. Eff. al. t. 36. 37. 38. Deniq. 5. Quod in infinitâ hypostasi subsistit, curâ eâ ubiq. est, nisi sc. ab ipso DEo impedimentū obijciatur. Hic n. ut Causa unionis talis est: ita & liberè obices quosdam injicere potest, si Certorum finium gratiâ actus secundi in humanitate suspendi debeant. Quod in Christi humanitate factum. Vbi ades- sentia simpliciter infinita nullius usus a. fructus pro officio Mediatorio est, §. 86. 87. eoq; nec de eâ temerè asserenda est. Sic & in exinanitione ita substitit, nec tamen factio ubiq. fuit, quia finis status istius obstitit. V. §. 80.*

94. 2. Ubi totum est, ibi omnes partes esse necessum est. Sed totum, verbum divinum, carnem ut partem in subsistentiam sui assumens, simpliciter est ubique, etiam in spatiis infinitis extra mundum. E. & partem, carnem, ibi adesse necesse est. R. 1. Ubi totum, ibi & partem esse oportet, sed in ipso toto & intimè, non semper extimè. ut & de par- te præsentia specialiter denominetur, §. 85. 86. 2. Valer de par-

R

te, sed



te, sed quæ essentialiter & naturaliter pars sui totius, & sic cum toto unita est, & respectum essentialem ad illud habet, & essentiam totius complet. Sed caro non essentialiter cum verbo, sed personaliter unita est, nec respectum essentialem, sed extraessentialem, quem ex specialitate unionis personalem vocamus, ad verbum habet, nec essentiam verbi, quod perfectissimum & infinitum est, ut à nullâ re compleri possit, complet, sed in illud personaliter assumpta est, ut ipsâ assumptione completior & perfectior in subsistendo facta sit, non ipsa subsistens suum, quorsum tracta est, perfecit. In tali parte prorsus extraordinariâ, non semper valere tenentur, quæ aliâs de totis naturaliter se habentibus ad partes suas deducere solemus. Moralia hic omnia & supernaturalia in Christi præsentia sunt, non naturalia, V. S. 89. 93. 3. Ubi totum, ibi omnes partes, Ut scilicet illæ à toto non sint exclusæ, non tamen statim, ut denominatio præsentia ad ipsas partes ferri debeat. Sic pedes hærent in luto, à quibus non absit anima. Non tamen dicere audes, animam in luto hære. Conf. t. 85. 4. De præsentia naturæ, & naturaliter consequente, etiam plura inferre liceat. Præsentia autem Christi DEi hominis est Mediatoria, singularis, moralis magis, verbo & promissionibus nixa, non quæ ex infinitate subsistentia Verbi nostri speculationibus velut naturaliter deducenda est. Verbum autem & promissionem non habemus, Christum hominem in spatijs infinitis extra mundum adfuturum, V. t. 80. 90. Et totum in Christo propriè suppositum, Deus hominem unitum habens, & homo Deo unitus personaliter existens, persona tota composita ex DEo homine est, non solum verbum carnem in subsistentiam assumens.

95. 3. Christus homo omnia implere, Eph. 4. omnia sub pedibus subjecta habere, super omnia exaltatus esse, nomen super omne nomen nactus esse, & potestas in cœlo &



Io & terrâ ipsi data esse dicitur. E. & omnibus simpliciter rebus adesse oportet. R. Ex his dictis, ubi ad summum res deducta fueris, Christum omnium creaturarum dominum factum esse, illud adesse posse, & quibus promissum est, facto adesse, sequetur, quod non negamus. Simpliciter ubiq; & extra creata & mundum humanitatem ejus esse non sequetur, nisi promissa habeas. Omnia implere dicitur, sed in Ecclesiâ, ut D. Mentzerus explicat, V. §. 88. Omnia subjecta habere, super omnia exaltatus esse, sed creata. Extra creata in spatijs infinitis extra mundum Scriptura carnem Christi nusquam collocat. Et dominum super ea, quæ non extant, etiam propriè esse non dicitur. Divinam essentiam in spatijs infinitis ponimus, quia immensa & simpliciter infinita est. V. l. 2. §. 6. 18. de eis. alic. Humanitatem Christi eò non locamus, quia nec infinita aut immensa, sed finita; nec per essentialem immensitatem Naturæ suæ præsens in multis est, sed unionem personalem, subsistentiam verbi communicatam, secutam ad dextram DEi super omnia exaltationem, & officij Mediatorij administrationem, quod ad spacia imaginaria extra mundum nec respectum, nec promissum, nec usum aut finem habet. V. t. 90. 87. 88.

Præsentia Christi hominis divina dicitur, sed non immediatè, q. ipse essentia divina immediatè esset, & sic essentialis ubique esset: Verùm mediatè, quòd ex unione cum DEO resultet, DEi & hominis simul sit, divinâ virtute perficiatur, divino modo fiat, non humano, crasso, naturali, & ad divinum finem, officium Christi Mediatorum, tendat, ac à DEO promissa sit. Hæc talis erit, qualis promissa est. Essentialem Ubiquitatem esse non necessum est. Divina dicitur oppositè ad humanam, quòd non humana, vulgaris, & localis sit. Aliàs propriè est divino - humana, & humano divina, prout suppositum DEus homo est. V. t. 89. seq. Potestas in cælo & terrâ do-



*minium & vim omnibus creatis adessendi importat. An hic vel ibi factus sit, vel esse velit caro Christi, promissis & institutionibus confirmandum. Qua de adessentiâ in spatijs extramundanis in Scripturâ nulla. Conf. §. 80. 90.*

96. 4. Si Christus quâ humanitatem ubiq; aut repletivè; aut definitivè; aut circumscriptivè ubiq; erit. Sed non repletivè, *quia hoc Solius DEI, & infinitatis consequens est. Nec definitivè & circumscriptivè, quia hoc in uno spatio ponit, ut non extrâ in alijs. E. nullo modo. R. 1.* Non dicimus, Christum hominem ubiq; esse, sed mediatoriè præsentem esse, ubicunq; se futurum promisit. *In Ecclesiâ gratiosè est, in Sacramentis Sacramentaliter, inter hostes potenter, in Universo generaliter, in Cœlo gloriosè. Ultrâ, quia non promissa habemus, definire non debemus, Nec os in Cælum ponere. Quia DEus est in cœlis, i. e. cœlestis, & Nos sumus in terris, i. e. terrestres & miseri. Eccles. 5. v. 1. V. t. 89. 90. 2. Scriptura adessentiam Christi hominis impletivam vocat. Eph. 4. Unde quartum membrum addere possemus, aut Mediatoriè impletivè, mysticè, & modoprorsus singulari. 3. Definitivè & circumscriptivè ad unum spatium determinant, ut non sit extra, scil. ex Naturâ sui spectata, & negativè, ut non ubiq; sit. V. l. 3. §. 27. d. Ess. alic. Quid tamen potestate absolutâ in illis esse queat, hinc non inferendum. Conf. t. 58. hu. Tract. Aliud etiam, circumscriptivum esse, hoc semper Corpus manet: aliud loco de facto circumscriptum esse. Hoc à corpore abesse potest. Nihil mirum, si à Christi corpore abst. Conf. §. 56.*

5. Si Christus homo omnipræsens, E. in humanitate nobis non est similis; Nostra enim humanitas non est omnipræsens humanitas, sed ad unum spatium determinata. At est nobis per omnia similis, peccato excepto. Hebr. 2. v. 17. Ergo, R. 1. Hoc perindè procedit, ac si sic arguas: Si Christus

stus



Itus homo subsistit in hypostasi filij DEI, est Mediator noster, satisfecit pro nobis, sedet ad dextram DEI, super omnia, quae nominari possunt, exaltatus est, non est nobis similis. Nostra enim humanitas non ita subsistit, non Mediatoria aut satisfactoria est. Neganda ergo sequela est antecedentis. Caro λόγος, caro nostra, verè quidē nostra, sed jam non in nobis, sed in Christo consideranda: Non à divinitate absorpta, consumpta, aut in eam commutata: Sed in communionem proprietatum ejus assumpta, ut ex Nazianzeno Pelargus Or. d. agn. Paschali loquitur. 2. Nec Christus accuratè loquendo in humanitate nobis est similis, sed potius coessentialis & ὁμοούσιος, non ὁμοιος. Nec Scriptura similem nobis in humanitate absolute vocat, sed humanitatis infirmitate, tentatione, & carne peccati, ut Rom. 8. dicitur. 3. Nec jam in statu exaltationis amplius nobis est similis, sed Christus & Dominus factus. Act. 2. v. 36. Et in Dextrā DEI sedet, quod nulli angelorum, nedum hominum dictum est. Heb. 1. v. 13. In exinanitione similitudo ab Apostolis allegata vigeat: in exaltatione coessentialis nobis semper manet, similis in qualitatibus infirmis non manet.

97. 6. Multipræsencia Christi hominis extra coelum evertit humanitatem ejus, & infinitam eam facit. E. non asserenda. R. Minimè omnium, perinde ac nec alterius Corporis varijs in locis simul à DEO ubicati, ut supra fusè ostensum, §. 23. 53. seq. Perinde ac nec hypostasis divina infinita, in qua humanitas Christi subsistit. Omnia mundi loca & creatura adhuc finita, ita licet illis omnibus præsentiā Mediatoria adesses, nondum infinita fieret. V. §. 78. Quod infinitum est, semper existit necessariò, nec initium habere potest. V. Taurellum p. 265. seq. Trium. Hoc etiam humanitati Christi non competit. 7. Si Corpus Christi simul in pluribus locis, aut est in illis eodem modo, aut non est. Si non, Sequitur contradictio, & unius

R. 3. ejus.



eiusdemq; corporis præsentia præsentia repugnabit, & aliter erit in locis, quàm in loco. Pluralitas autem nihil aliud est, quàm unitates aggregatae. Si eodem modo, Et verum tamen Corpus est, E. nusquam est visibile, suis dimensionibus circumscriptum, & suâ formâ præditum, hoc est, uno verbo, nusquam est verum Corpus. Sic enim in hoc mundo & Sacramentis à nobis esse dicitur. Ita Alstedius in Suppl. Cham. d. Euch. c. 5. n. 14. R. 1. Negamus, in re mysticâ modos illos assignari debere, quos in re Naturali assignare solemus, & in quâ modos cognitos habemus, ubi per tales disjunctiones procedere solemus. V. §. 57. 58. Præsentia autem Christi est peculiare mysterium ad mediatorium ejus officium pertinens, t. 84. seq. In quâ disjunctiones in Naturalibus usitatas adhibere fas non est. Vt officium illud mysticum est, sic & adessentia. De quâ non statim inferendum: Aut eodem modo per eam Christus adest, aut non eodem. Nescire modos in mysticis oportet, non determinare.

2. Est in omnibus locis eodem modo, si generalitatem spectes, Spirituali nempe, mystico, divino humano, & humano divino, prout ipsum suppositum, quod in plurib. spatys est, divino humanum est, §. 84. sequ. Non eodem, si specialitates. Est in omnibus Universalis dominio, in Ecclesiâ gratiose, in Sacramentis Sacramentaliter, in Cælo gloriose, V. §. 96. Ex his modis si contradictiones formes, & in DEi præsentia ea formabuntur. Certum enim, & DEum diversimodè alicubi esse, ut in mundo potenter, in fidelibus gratiose, in Cælo gloriose, inter hostes judiciose. At hic ex diversitatibus modorum præsentia, Contradictiones fingere impium & ἀθεολογον est. Idem de præsentia Christi Mediatoriâ cogitandum. 3. Corpus Christi ubicunq; est, visibile est, hoc est, ut videri possit, si omnia cætera paria sint: non semper visum aut videndum, ut videatur actû. Hoc nec gloriosis semper Corporibus competit. V. t. 20. Ita per Magicam vim



vim Corpora praesentia sibi posse notum, ut actu non videantur, perstrictus spectantium oculis, ne praesens videant.

98. 8. Christus in statu exinanitionis praesentiam Mediatoriam in Ecclesia sine humanitate exercuit, quam tunc uno loco tantum adfuisse fatemur, nec divisae fuerunt Naturae. E. & in statu exaltationis sine illa eam exercere poteris, nec dividuntur inde Natura, nec opus, humanitatem omnibus locis adesse, quibus adest divinitas. R. 1. Quæritur de praesentia Mediatoria Christi DEI hominis est mortuis resuscitati, & ad dextram DEI collocati, an illa & mediante humanitate exerceatur? V. t. 81. 84. Aliena ergo à quaesito omnia, quæ de statu exinanitionis adducuntur, quid in illo locum habuerit, aut non, etiam si hic nihil determinetur. 2. Non est par Consequentia. In exaltatione habemus promissum, Ecce ego vobiscum sum, Matth. 28. Dominus cooperabatur, Marc. 16. Nempe, sedens jam ad dextram Dei, v. 19. Quod antea de eo non dictum erat. Scimus, datam ei, quæ homo est, omnem potestatem in caelo & terrâ, nomen super omne nomen, exaltatum esse ad dexteram DEI, super omne, quod nominari potest, &c. Hæc nondum in exinanitione dicta erant. Non ergo, si ibi sine humanitate fuisset praesentia, & hic fore, consequens est.

3. Negatur Antecedens. Vbi praesentia Christi Mediatoria promissum extat, ibi & totum cum, DEum & hominem, fuisse credimus. Ut in Ecclesia, Matth. 18. ibi sum in medio. In Baptismo, baptizate in nomen Patris, Filij, &c. Quomodo & versante Christo in his terris discipulos ejus baptizasse Joh. 4. v. 1. 2. credibile est. In Coenâ, edite, hoc est Corpus meum. Hic promissa & personæ, & Corporis, sunt. Hic Christum hominem & Deum adfuisse credimus. V. t. 90. Sed praesentia hæc valde particularis fuit. Ecclesia enim pusillus grex erat, Luc. 12. v. 32. Et exeruisse quandoq; Christum particulariter radios majestatis sue

etiam



*etiam in carne, & statu isto humiliationis, negari non potest, & miraculorum frequentia docet. Iam autem, postquam ad dexteram Dei erectus est, subiecta habet universa, omnibus universaliter dominatur, sicq; præsens DEus & homo esse potest, ubicunq; vult, & præsentem se futurum, pollicitus est. 4. Neganda est & illa Consequencia: Si citra humanitatem adfuit, E. divisæ fuerunt Naturæ. Sibi enim semper unitam habuit humanitatem λόγος, nec usquam verbum fuit, ubi non & humanitas verbo unita fuerit: Et in supposito, Christo, iuncta manserunt: Et si creaturis ad extra non caro semper præsens fuerit, cum plenario majestatis usu in humanitate Christus se evacuaverit. Philip. 2. v. 6. 7. Maxime enim diversa præsentia genera hac sunt. V. §. 93.*

99. 9. Præsentia Christi mediatoris, aut eadem est cum Dei omnipræsentia, & sic ad infinita spatia funditur, perinde ac Dei; aut diversa ab eâ, & sic duæ Omnipræsentiaæ introducuntur, ac consequenter duo Entia omnipræsentia, quod adhuc inauditum, & in Theologiâ non ferendum. Duo enim infinita sic introducuntur. R. 1. Est eadem cum Dei omnipræsentia, quantum ad rem: sed non eodem modo ac ratione exserta. Sic potentia divina unica est: Sed ad extra diversimodè se exserere potest. Absolutè, ut in resurrectione mortuorum, & sic irresistibilis est: Et mediatè, per certa media, ut in conversione, & sic resisti ei ab impijs potest. Esai. 65. v. 3. seq. c. 66. v. 4. Matth. 23. v. 37. Act. 7. v. 51. Similiter una eademq; præsentia divina diversimodè pro diversis finibus & rationibus sese exserere potest. Vel absolutè ad omnia simpliciter creata, & sic in DEo est: Vel restrictè ad quædam, prout finis & officium mediatorium requirit, Et ubi promissio data, aut institutio constituta est. Et sic in Christo Mediatore, DEO ac humane est, Cujus præsentia Mediatoria est, non Naturalis, t. 84. seq.

gmo


emis-  
anfe-


, vel  
non  
nsub-  
pro-  
qvar-

✠


Yus.













Biblioteka Jagiellońska



stdr0019291



